



Inatsisartunut ilaasortaq  
Jens Napätök  
Naleraq  
/ Inatsisartut

### § 37 naapertorlugu apeqqummut nr. 159-imut 2024-meersumut akissut

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarnermut inatsisitaassaq pillugu apeqquteqarputit. Apeqqut suliaasaqarfigisannit akineqartussanngorlugu innersuunneqarnikuuvoq.

**1. Aalisarneq pillugu inatsisartut inatsisaanni nutaami (UPA 2024, imm. 35), kalaaliussuseq pillugu ilaatigut imatut allassimapput "Kalaallit ingerlatsisut Kalaallit Nunaata aalisarnikkut oqartussaaffigisaani inuussutissarsiutigalugu aalisarnerat." aamma "§ 9. Kalaallinut ingerlatsisunut akuersissut taamaallaat pissarsiarineqarsinnaavoq pigineqarsinnaallunilu ...". Inatsit taanna aallaavigalugu, Naalakkersuisut "Kalaallit" kikkeunerannut aalajangiisassapat?**

**1-imut) Aallarniutigalugu sakkortuumik erseqqissarneqassaaq aalisarnermut inatsit pisuussutinik aqutsinermit tunngatillugu inatsisaammat immikkut inuiaassusermik imaluunniit naalagaaffimmi innuttaanermik aallaaveqanngitsoq.**

Inatsisartut inatsisaani akuerineqartumi § 9-mi UPA2024/35) Kalaallit Nunaani najugalinnut akuersissummik pissarsinissamut piunasaqaatit assigiinngitsut erseqqissarneqarsimapput. Aalajangersakkami kikkut "kalaaliuneri" erseqqissumik nassuiarneqanngilaq, akuersissummilli tunineqarsinnaanissamut piunasaqaatit assigiinngitsut allassimallutik – tassalu 1) kalaallinut inuiaqatigiinnut aalajangersimasumik attuumassuteqassasoq, 2) inuit nalunaarsorsimaffianni Kalaallit Nunaanni najugaqartutut nalunaarsorsimassaaq ukiunilu kingullerni tallimani siviunerumilluunniit inuit nalunaarsorsimaffianni Kalaallit Nunaanni najugaqartutut nalunaarsimassasoq aammalu 3) Kalaallit Nunaannut tamakkiisumik akileraartartussaataassasoq aamma ukiuni tallimani qaangiuttuni siviunerumilluunniit kalaallit nunaannut tamakkiisumik akileraartartussaataasimassasoq.

**2. Apeqqut 1-mi Inatsit pineqartumi § 9 najoqqutaralugu, "Kalaallit" kikkeunerinik allassimasoqalernikuunerani: a. "Kalaallit" taava kikkeuppat? b. "Kalaaliussutsimut" aalajangiisarnissamut allaffissornikkut periutsit nalilersuutillu suut piunasaqaataalissapat?**

Ulloq: 22-07-2024  
Suliap normua: 2024 - 14026  
All. nr.: 24350708

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
Maili: apn@nanoq.gl  
www.naalakkersuisut.gl

**2-mut)** Inatsisip atuuffia naapertorlugu "kalaallit" tassaapput inatsimmi § 9-mi piumasaqaataasunik naammassinnissimasut, tassalu aalajangersimasumik nunatsinni najugaqartuussasut, nunatsinni akileraartartuussasut aamma kalaallinut inuiaqatigiinnut ukiuni tallimani amerlanerusuniluunnit attuumassuteqarsimassasut.

**3. Apeqquut 1-mi Inatsit najoqqutaralugu, allaffissornikkut periutsit piumasaqaatillu suut malissimatillugit Kalaallit Nunaannut inuiaqatigiinnullu "aalajangersimasumik attuumassuteqarneq" inummut atuutilertarpa?**

**3-mut)** Apeqquummut 2-mut akissut innersuussutigineqarpoq.

**4. Nunat allat sorliit, inuisa Kalaallit Nunaannut nuunnerminni Kalaallit Nunaanni inuit nalunaarsorsimaffiannut ("folkeregister") pisinnaatitaaffigalugu allassimasinnaatitaappat? Uani Nunat ataasiakkaarlugit ersarissumik saqqummiunneqarnissaat piumasarineqarpoq. Soorlu nunat Nordisk-iusut ilaappata, Nunat pineqartut ataasiakkaarlugit akeqquneqarput.**

**4-mut)** Kalaallit Nunaat EU-mi ilaasortaanngimmat EU-p killeqanngitsumik nikissinnaanermut maleruagassai nunatsinni atuutinngillat. Taamaattumik inuit Kalaallit Nunaani sulerusuttut aallaaviatigut Styrelsen for International Rekruttering og Integration SIRI (Nunanit tamalaani Sulisussarsiortarneq Akuliutsitsinerlu pillugit Aqutsisoqarfimmut) akuersissummik qinnuteqartartussaapput taakku nunatsinniissinnaanissamat qinnuteqaatit suliarisarmassuk. SIRI Danmarkimi Udlændige- og Integrationsministeriep ataani inissisimavoq.

Taamaattoq nunani avannarlerni innuttaasut tassalu Danmarkimeersut (Savalimmiormiut ilanngullugit), Norgemeersut, Sverigemeersut, Finlandimeersut Islandimeersullu killeqanngitsumik nunatsinniissinnaatitaapput Kalaallit Nunaanilu sulissagunik nunamut isersinnaanermut (visum) akuersissummik allatulluunniit akuerineqaqqaartariaqartaralik.

**5. Inuit nunanit allaneersut, soorlu Sverige-meersut, ukiut 5 Kalaallit Nunaanni najugaqarnikuugunik akileraarnikuugunillu, taava: a. apeqquut 1-imi Inatsit najoqqutaralugu "Kalaaliuppat"? b. Naalackersuisut paasinnittaasiat nalinginnaasoq malillugu taaguutitut "Kalaaliuppat"?**

**5-imut)** Naami, taamatut inatsit paasineqassanngilaq. Inatsimmi aalajangersarneqarpoq aalisarsinnaanermut akuersissummik pissarsisoqarsinnaasoq kalaallinut inuiaqatigiinnut aalajangersimasumik attuumassuteqaraanni, inuit nalunaarsorsimaffianni Kalaallit Nunaanni najugaqartutut nalunaarsorsimagaanni ukiunilu kingullerni tallimani sivisunerusumilluunniit inuit nalunaarsorsimaffianni Kalaallit Nunaanni najugaqartutut nalunaarsimasimagaanni aammalu Kalaallit Nunaannut tamakkiisumik akileraartartussaataagaanni aammalu ukiuni tallimani

qaangiuttuni sivilisunerumilluunniit kalaallit nunaannut tamakkiisumik akileraartartussaataasimagaanni.

**6. Inuit nunanit allaneersut , Kalaallit Nunaannut allatigut attuumassuteqaratik, ukiut 5 Kalaallit Nunaanni najugaqarsimagunik akileraarsimagunillu, tamakkiisumik pisortatigoortumillu "inuaat kalaaliusutut" taaneqarsinnaatitaanissaannut Naalackersuisut isumaqataappat"?**

**6-imut) Naami, apeqqut 5-imut akissuteqaat innersuussutigineqarpoq.**

Inussiarnersumik inuulluaqqusillunga



Kim Kleisen

Aalisarnermut, Piniarnermullu Naalackersuisoq